


李詩鈔述註

卷九
卷十
五言古詩
五言古詩

鈔




一	三	三	漢
六	八	八	書
冊	架	函	門
		號	類

三	三	漢
二	八	書
函	一	
	六	
一	五	
七	號	
架	類	

內閣文庫		
番號	漢	3815
冊數	16 (5)	
函號	312	100

共十六



李詩鈔注卷九

詩經

淺草文庫

蒲林兆珂孟鳴父纂述

五言古詩

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與晴空宜

曾酒白土壺送行駐金羈歌鞍憇古木解帶挂橫枝

歌鼓出上亭曲度神颺吹雲歸碧海夕鴈沒青天時

相失各萬里茫然空爾思

蘇州府印

日中

秋興

李詩鈔注卷九

潘岳秋興賦善哉宋玉之言曰悲哉秋之為氣也
 蕭瑟兮草木黃落將送也一說以也如手將物之
 將沈君攸樂府絲繩玉壺傳綺席辛德源樂府金
 羈絡赭汗西京賦度曲未終雲起雪飛注善曰漢
 書元帝自度曲被歌聲壻曰度曲歌終更授其次
 謂之度曲十洲記碧海在東海中

別魯頌

誰道泰山高下却魯連節誰云秦軍眾推却魯連舌

獨立天地間清風掃蘭雪夫子還個儻攻文繼前烈
 錯落石上松無為秋霜折贈言鏤寶刀千歲庶不滅
 劉公幹詩豈不罹霜雪松柏有本性老子仁者贈
 人以言

留別曹南群官之江南

我昔釣白龍放龍溪水傍道成本欲去揮手凌蒼蒼
 時來不關人談笑遊軒皇獻納少成事歸休辭建章
 十年罷西笑覽鏡如秋霜閉劍琉璃匣鍊丹紫翠房

身佩豁落圖腰垂虎鞞囊僊人駕彩鳳志在窮遐荒
戀子四五人徘徊未翱翔東流送白日驟歌蘭蕙芳
僊宦兩無從人間久摧藏范蠡稅勾踐屈平去懷王
飄飄紫霞心流浪憶江鄉愁為萬里別復此一啣觴
淮水帝王州金陵繞丹陽樓臺照海色衣馬搖川光
及此北望君相思淚成行朝雲落夢渚瑤草空高唐
帝子隔洞庭青楓滿瀟湘懷歸路綿邈覽古情淒涼
登嶽眺百川杳然萬恨長知戀峨眉去弄景偶騎羊

列僊傳竇子明棄官學道釣得白龍放之後五年
龍來迎子明上居陵陽山至百餘年乃得僊集僊
傳西王母所居宮闕在龜山有城九層玄室紫翠
丹房左帶瑤池右環翠水豁落道家所謂豁落斗
七元星君之一也神僊傳安期生乘麒麟著朱衣
遠遊冠帶玉佩及虎頭鞞囊張果老與妻赴蓬萊
公騎一鳳餘騎鶴向東而去兩謂出仕從僊也淮
水即秦淮也始皇所鑿在金陵城中夢渚雲夢之

李言金史

卷九

二

渚通典江陵縣有夢渚宮內觀經老君曰騎羊真人

留別王司馬嵩

魯連清談笑豈是顧千金陶朱雖相越本有五湖心
子亦南陽子時為梁甫吟蒼山容偃蹇白日惜頽侵
願一佐明主功成還舊林西來何所為孤劍託知音
魚愛碧山遠魚游滄海深呼鷹過上蔡賣畚向高岑
他日閑相訪丘中有素琴

王猛家貧以鬻畚為生常貨畚於洛陽有一人貨
買其畚無直曰可隨我取猛從忽至深山見一父
老髻髮皓然據胡床而坐左右十人有一人引猛
進拜父老曰王公何緣拜也乃十倍償直遣人送
出回顧乃一高山也江總詠琴詩楚妃幸勿歎此
異丘中音

留別西河劉少府

我髮已種種所為竟無成間傾魯壺酒笑對劉公榮

謂我是方朔人間落歲星白衣千萬乘何事去天庭
君亦不得意高歌羨鴻冥世人若醢鷄安可識梅生
雖為刀筆吏緬懷在赤城予亦如流萍隨波樂休明
自有兩少妾雙騎駿馬行東山春酒綠歸隱謝浮名
左傳慶封曰予髮如此種種予焉能為子期曰彼
其髮短而心甚長王戎詣阮籍時劉公榮在坐阮
謂王曰偶有二斗美酒當與君共飲彼公榮者無
預焉二人交觴酬酢公榮不得一杯而言笑談論

三人無異或問之阮曰勝公榮者不得不與飲不
如公榮者不可不與飲惟公榮可不與飲莊子孔
子曰丘之於道也其猶醢鷄乎注醢鷄甕中之蟻
蠃也梅福為南昌尉後得僊

留別廣陵諸公

憶昔作少年結交趙與燕金羈絡駿馬錦帶橫龍泉
寸心無疑事所向非徒然晚節覺此踈獵精草太玄
空名東壯士薄俗棄高賢中迴聖明顧揮翰凌雲烟

騎虎不敢下攀龍忽墮天還家守清真孤潔勵秋蟬
鍊丹費火石採藥窮山川卧海不關人租稅遼東田
乘興忽復起棹歌溪中船臨醉謝葛疆山公欲倒鞭
狂歌自此別垂釣滄浪前

趙燕多豪俠之士無疑事者信以與人也非徒然
者言不虛往也獵精猶言採取其精華也聖明顧
白為供奉居翰林時也騎虎喻處危疑地也獨孤
后謂隋文帝曰騎虎之勢必不得下晉王羲之去

官與東土人士盡山水之遊又與道人許邁共脩
服採藥石山公山簡也葛疆其愛將并州人也襄
陽歌舉手問葛疆何如并州兒

留別金陵諸公

海水昔飛動三龍紛戰爭鍾山危波瀾傾側駭奔鯨
黃旗一掃蕩割壤開吳京六代更霸王遺跡見都城
至今秦淮間禮樂秀群英地崩鄒魯學詩騰顏謝名
五月金陵西祖子白下亭欲尋廬峰頂先達漢水行

香爐紫烟滅瀑布落太清若攀星辰去揮手緬含情
首四句是比體世沿謂之安瀾海水飛動比其亂
也龍君象三龍蜀魏吳也鍾山金陵之鎮黃旗句
指孫大帝而言割壤猶言三分割據也吳初建都
金陵故曰開吳京六代指吳及晉宋齊梁陳而言
秦淮在金陵城中扇動也文中子江東中國之舊
土衣冠禮樂之所就也漢書鄒陽傳鄒魯守經學
晉顏延之謝靈運等皆有詩名圖經白下在上元

縣西北廬峰即廬山遠法師廬山記山東南有香
爐山孤峰秀起游氣籠其上若烟然紫烟亦因香
爐之名而言也山南北又有瀑布十數處言瀑布
懸瀉如從太清而落也此詩首推言漢末之亂三
國鼎立而爭雄惟時孫大帝掃黃旗而割土壤以
開吳之始嗣是六代伯王悉於此建都惟歷代建
都於此故至今秦淮間家詩書戶禮樂扇為鄒魯
文學之區而詩名之騰有如顏謝其人者此以上

皆言金陵之美以見其與諸公難別之意五月以
下則言諸公之別已而已向廬山以往也香爐二
句則叙廬山之勝與已歸廬山之樂而不免緬含
情者以綴留別之意也

感時留別從兄徐王延年從弟延陵

天籟何參差噫然大塊吹玄元包囊籥紫氣何逶迤
七葉運皇化千齡光本支僊風生指樹大雅歌螽斯
諸王若鸞虬肅穆列藩維哲兄錫茅土聖代含榮滋

九卿領徐方七步繼陳思伊昔全盛日雄豪動京師
冠劍朝鳳闕樓船侍龍池鼓鐘出朱邸金翠照丹墀
君王一顧盼選色獻蛾眉列戟十八年未嘗輒遷移
大臣小嗜鳴謫竄天南垂長沙不足舞貝錦且成詩
佐郡浙江西病間絕驅馳階軒日苔蘚鳥雀噪簷帷
時乘小肩輿出入畏人知北宅聊偃憩歡愉恤惇嫠
羞言梁苑地烜赫耀旌旗兄弟八九人吳秦各分離
大賢達機兆豈獨慮安危小子謝麟閣鴈行忝肩隨

令弟字延陵鳳毛出天姿清英神僊骨芬馥蒹蘭蕙
 夢得春草句將非惠連誰深心紫河中與我特相宜
 金膏猶罔象玉液尚磷緇伏枕寄賓館宛同清漳湄
 藥物多見饋珍羞亦兼之誰道溟渤深猶言淺恩慈
 鳴蟬遊子意促織念歸期驕陽何太赫海水爍龍龜
 百川盡凋枯舟楫閣中逵策馬搖涼月通宵出郊圻
 泣別目眷眷傷心步遲遲願言保明德王室佇清夷
 摻袂何所道援毫投此辭

莊子汝聞地籟而未聞天籟夫大塊噫氣其名為
 風老子天地之間其猶橐籥乎列僊傳老子西游
 關令尹喜望見紫氣浮關老子果乘青牛過關唐
 自高祖至肅宗凡七世老子生而能言指李樹曰
 以此為姓詩螽斯美文王后妃子孫衆多也虬龍
 無角者鸞神鳥五彩爾雅穆穆肅肅敬也詩价人
 維藩茅土王者以五色土為太社封四方諸侯各
 以方色之土與之苴以白茅歸以立社是為侯社

曹子建七步成詩封於陳謚曰思全盛謂開元時也唐室志玄宗嘗潛龍於興慶宮及即位興慶池嘗有一小龍出遊宮外御溝水中竒狀蜿蜒後幸蜀前一夕其龍自池中御雲望西南去及上至嘉陵江乘舟將渡見一小龍翼舟而進上曰此吾興慶池中龍也朱邸諸侯京師之寓第也漢宮典職丹漆地故稱丹墀列戟諸侯門施棨戟也大臣如林甫國忠輩也喑鳴怒意漢書項羽傳喑鳴叱咤

千人皆廢漢書表周匝三垂注垂是邊外之名三垂東南北也長沙屬荆南詩萋兮菲兮成是貝錦刺讒也漢定王來朝景帝使諸王更前為壽歌舞定王但張袖小垂手左右笑其拙上怪問之對曰臣國小地狹不足迴旋畏人知者謹守以避禍也時徐王見怒於大臣故云晉阮籍阮咸居道南諸阮居道北北者皆富南者皆貧梁孝王築東苑方數百里得賜天子旌旗出從千騎萬乘曲禮五年

以長則有隨之宋書謝鳳子超宗有文辭帝曰超
宗殊有鳳毛河車金膏玉液皆煉丹次第之名鳴
蟬促織夏秋之交也爾雅九達謂之達圻曲岬也
廣韻作碕詩揆執子之袂兮注揆擊也

將遊衡嶽過漢陽雙松亭留別族弟浮屠談皓
秦氏斯趙璧却入邯鄲宮本是楚家玉還來荆山中
丹彩瀉滄溟清輝凌白虹青蠅一相點流落此時同
卓絕道門秀談玄乃支公延蘿結幽居剪竹繞芳藂

涼花拂戶牖天籟鳴虛空憶我初來時葡萄開景風
今茲大火落秋葉黃梧桐水色夢沅湘長沙去何窮
寄書訪衡嶠但與南飛鴻

蔡邕琴操楚昭王得卞和璧欲貢趙王於是遣大
夫奉璧之趙史藺相如傳趙惠文王時得楚和氏
璧秦昭王聞之願以十五城請易璧趙王遣相如
奉璧西入秦秦王無意償趙城相如乃使其從者
歸璧于趙丹彩紅光也瀉滄溟凌白虹言其光之

燭于上下也太白自言緣青蠅之譖故致流落同
者謂同王之受玷也此時被讒還山之時也沙門
傳支遁居會稽晋哀帝欽其風采遣中使迎之遂
辭丘壑高步天邑風土記夏至而景風生詩七月
流火

留別賈舍人至二首

大梁白雲起飄飄來南州徘徊蒼梧野十見羅浮秋
黿抃山海傾四溟揚洪流意欲託孤鳳從之摩天游
鳳苦道路難翱翔還崑丘不肯啣我去哀鳴慙不用
遠客謝主人明珠難暗投拂拭倚天劍西登岳陽樓
長嘯萬里風掃清胸中憂誰念劉越石化為繞指柔
歸藏啓筮白雲起自蒼梧入於大梁鄒陽傳明月
之珠以暗投人於道莫不樓劍相視宋玉大言長
劍倚天外岳陽樓在岳州城上正對君山劉越石
詩何意百鍊剛化為繞指柔

其二

秋風吹胡霜凋此簷下芳折芳怨歲晚離別慘以傷
謬攀青瑣賢延我於此堂君為長沙客我獨之夜郎
勸此一杯酒豈惟道路長割珠兩分贈寸心貴不忘
何必兒女仁相看淚成行

胡霜喻祿山也芳喻賢能也歲晚喻時之亂也離
別各遷謫於遠方也君謂賈舍人也時舍人謫於
湖湘間故太白遊洞庭詩云洛陽才子謫湘川兒
女仁姑息之愛曹植詩無以兒女仁

聞李太尉大舉秦兵數百萬出征東南懦夫請
纓冀申一割之用半道病還留別金陵崔侍御
十九韻

秦出天下兵蹴踏燕趙傾黃河飲馬竭赤羽連天明
大尉仗旄鉞雲騎繞彭城三軍授號令千里肅雷霆
函谷絕飛鳥武關擁連營意在斬巨虺何論鱣長鯨
恨無左車畧多慙魯連生拂劍照嚴霜雕戈髮胡纓
願雪會稽耻將期報恩榮半道謝病還無因東南征

亞夫未見顧劇孟阻先行天奪壯士志長吁別吳京
金陵遇太守倒屣欣逢迎諸公咸祖餞四座羅朝英
初發臨滄觀醉樓征虜亭舊國見穉月長江流寒聲
帝車信迴轉河漢復縱橫孤鳳向西海飛鴻辭北溟
因之出寥廓揮手謝公卿

秦即長安關中之地秦之舊京唐所都也燕趙者
安祿山封燕王叛稱大燕皇帝起兵范陽所據皆
古燕趙境也黃河飲馬赤羽連天言其猖獗之甚

也應劭曰自上安下曰尉武官悉以為稱祿山反
加李光弼太尉兼河南副元帥鎮泗州光弼疾馳
入徐州徐州即彭城也三軍二句即史所謂憚光
弼之嚴也函谷在唐陝州靈寶縣武關在商州商
洛縣皆入長安路絕飛鳥靜而肅也巨鰲謂祿山
長鯨謂賊將史朝義尹子琦輩時朝義圍宋州聞
光弼至畏懼潰散而去宋州近彭城漢書趙王陳
餘聞漢兵至聚兵井陘口李左車說餘絕漢糧道

深溝高壘勿與戰餘不聽為信所擒信購生得李
左車者與千金項之縛至麾下信解其縛而師事
之東南征欲往東南而徙太尉也時光弼駐彭城
故曰東南吳京謂金陵也倒屣謂匆遽不及整屣
而倒著之也猶詩顛倒衣裳之意皇甫規解官歸
安定王符刺至門倒屣迎之蔡邕與衆賓同坐聞
王粲至倒屣迎之曰王孫有異才輿地志金陵新
亭壯有遠望樓又名勞勞亭後改名臨滄觀丹陽
記征虜亭大安中征虜將軍謝安立因名晉天
志斗為帝車取其運動之義孤鳳飛鴻喻當時避
世之賢也

贈別王山人歸布山

王子析道論微言破繩毫還歸布山隱興入天雲高
爾去安可違瑤草恐衰歇我心亦懷歸屢夢松上月
傲然遂獨往長嘯開岩扉林壑久已蕪石道生薔薇
願言弄笙鶴歲晚來相依

山海經姑瑤之山帝女死焉化為瑤草服之者媚
於人

送王屋山人魏萬還王屋并序

王屋山人魏萬來自嵩宋沿吳相送數千里不遇
乘興遊台越經永嘉觀謝公石門後於廣陵相見
羨其愛文好古浪跡方外因述其行而贈是詩

僊人東方生浩蕩弄雲海沛然乘天遊獨往失所在
魏侯繼大名本家聊攝城卷舒入元化迹與古賢并

十三弄文史揮筆如振綺辨析田巴生心齊魯連子
西涉清洛源頗驚人世喧采秀卧王屋因窺洞天門
謁來遊嵩峰羽客何雙雙朝携月光子暮宿玉女窓
鬼谷上窈窕龍潭下奔滾東浮汴河水訪我三千里
逸興滿吳雲飄飄浙江汜揮手抗越間漳亭望潮還
濤卷海門石雲橫天際山白馬走素車雷奔駭心顏
遙聞會稽羨且渡耶溪水萬壑與千岩崢嶸鏡湖裡
秀色不可名清輝滿江城人遊月邊去舟在空中行

此中久延佇入剡尋王許笑讀曹娥碑沉吟黃絹語
 天台連四明日入向國清五峰轉月色百里行松聲
 靈溪恣沿越華頂殊超忽石梁橫青天側足履半月
 眷然思永嘉不憚海路賒挂席歷海嶠迴瞻赤城霞
 赤城漸微沒孤嶼前峽兀水續萬古流亭空千山月
 緡雲川谷難石門最可親瀑布挂北斗莫窮此水端
 噴鏗洒素雪空濛生晝寒却尋西溪去寧懼惡溪惡
 咆哮七十灘水石相噴薄路創李北海巖開謝康樂

松風和猿聲搜索連洞壑徑出梅花橋雙溪納歸潮
 落帆金華岬赤松若可招沈約八咏樓城西孤岩堯
 岩堯四荒外曠望群川會雲卷天地開波連浙西大
 亂流新安口北指嚴光瀨釣臺碧雲中邈與蒼嶺對
 稍稍來吳都徘徊上姑蘇烟綿橫九疑澹蕩見五湖
 目極心更遠悲歌但長吁迴橈楚江濱揮策揚子津
 身著日本裘昂藏出風塵五月造我語知非僿儂人
 相逢樂無限水石日在眼徒干五諸侯不致百金產

吾友楊子雲絃歌播清芬雖為江寧宰好與山公群
乘輿但一行且知我愛君君來幾何時僊臺應有期
東牕綠玉樹定長三五枝至今天壇人當笑爾歸遲
我苦昔遠別茫然使心悲黃河若不斷白首長相思
聊攝地名杜預曰聊攝齊西界平原聊縣東北有
攝城因魏萬家在聊攝故云東方僊人以起咏也
東方朔書年十三學書三冬文史足用田巴生齊
之辨士也辨於祖丘而議於稷下一日而服千人

魯仲連往謂之曰如先生之言有似梟音人皆惡
之田巴生於是杜口易業終身不談洛水名在今
大名府王屋山唐隸河南王屋縣嵩山唐隸河南
登封縣羽客僊人也月光子女僊名也玉女宓嵩
山峰名鬼谷在潁川陽城縣晉平公時有王剛者
隱居於此號鬼谷先生蘇秦張儀皆從之學學成
歸先生與一隻履化為大以引二子即日到秦嵩
山嵩陽觀西有龍潭深詩箋水會也說文小水入

大水汴水在河南吳即今蘇州汜水別而復入也
今浙江富陽江畔之地多有之杭即杭州浙之西
越即紹興浙之東樟亭在浙東與錢塘相對枚乘
七發將以八月之望觀濤乎廣陵之曲江浩浩滄
滄如素車白馬旗蓋之張又混混沌沌頃之有聲
如雷奔望潮者浙俗也每歲以八月十五日士女
集於江畔潮自海門而來狀如雪山橫亘數十里
聲吼如雷或云海門有堪翁二山相對大海潮長
擁入門內水勢驟發激為三浪浪過而潮平矣或
云子胥之怒氣也耶溪鏡湖皆會稽之美景也世
說顧長康從會稽還入問山川之美顧云千巖競
秀萬壑爭奇剡溪在今剡縣源出天姥即王子猷
訪戴處王許王羲之許邁也晉書許邁遍遊名山
採藥莫知所終與王羲之同習服食養生之術曹
娥碑文漢縣令度尚弟子邯鄲子禮作蔡邕過之
刻石傍作黃絹幼婦外孫壘白八字謂絕妙好辭

也國清寺在天台縣北十里五峰天台山之五峰也近國清天台賦過靈溪而一躍華頂天台之峰名石梁俗名石梁橋去天台四十里僧惠虛居天台國清寺與同侶遊山戲過石橋水峻苔滑懸流萬仞下不見底衆皆股慄不行惠虛獨超然而過徑上石壁外微有小徑遂見宮闕連亘十里許其門題曰會真府左曰金庭宮右曰同伯宮皆金樓玉牕高百餘尺永嘉今浙東温州府謝靈運出為

永嘉太守徧歷山水輒為詩咏故有登臨海嶠等作會稽記赤城山山色皆赤狀如雲霞孤嶼亭在永嘉江中今江心寺是也靈運登孤嶼詩亂流趨正絕孤嶼媚中川縉雲在今處州府西北九十里石門即今青田石門洞謝靈運有登石門最高頂詩又靈運遊名山志石門澗六處石門溯水上入兩山口兩邊石壁右邊石巖下臨澗水南史褚伯玉錢塘人往剡居瀑布山麗水縣東十里有惡溪

上抵縉雲一百里水石險怪謝靈運與弟書聞惡
溪道中九十九里有五十九灘王右軍遊此嘆其
竒絕遂書突星灘於石由惡溪陸路嶺行抵縉雲
亦一百餘里相傳李邕為括州刺史時所開今名
馮公嶺梅花橋當在金華東南水口即今之大溪
橋也乃縉雲永康東陽義烏諸水合流處是為雙
溪自東南轉流西北而下嚴瀨也金華山有赤松
澗嘗有人見赤松子安期生於此沈約吳郡人為

東陽太守作八詠樓又有新安江水至清淺詩嚴
光瀨在富陽縣富春山中鈎臺在山上蒼嶺在僊
居縣西北五十里地勢東西相對姑蘇臺名吳王
所築日本表以日本大布為之儻擬不前貌又不
通之意山公山簡也守襄陽嘗飲於高陽池天壇
在王屋山張僊人所居此詩送魏萬還王屋歷叙
其好古浪遊之跡首八句言其從僊遊於方外以
發端即序中浪跡方外意十三弄文史四句言其

年少之時文辭富麗議論足以服人即序所謂愛
文好古也西涉清洛源十四句言其自山東而西
遊河南自河南相尋至吳越即序所謂自嵩宋沿
吳相送數千里不遇也揮手杭越間二十六句言
其從浙江度會稽覽鏡湖剡溪諸勝又從剡溪過
天台即序所謂乘興遊台越也眷然思永嘉十二
句言其自天台而至永嘉瞻赤城登孤嶼不憚帆
海而抵石門即序所謂經永嘉觀謝公石門也却
尋惡溪去三十八句言其自永嘉溯流而上以至
括州下金華過嚴州遍歷梅橋雙溪釣臺諸勝尋
古赤松沈約嚴光之遺蹤又自越抵吳自吳還楚
而相逢於廣陵之楊子津即序所謂廣陵得與相
見也吾友楊子雲至末言其於廣陵將往江寧以
及離別贈詩之意

送當塗趙少府赴長蘆

我來楊都市送客回輕舸因誇楚太子便覩廣陵濤

李言金史言 卷九
僊尉趙家玉英風凌四豪維舟至長蘆目送烟雲高
搖扇對酒樓持袂把蟹螯前途儻相思登嶽一長謔
隋煬帝欲都揚州故曰楊都枚乘七發楚太子有
疾客往問之曰將以八月之望觀濤于廣陵之曲
江漢書游俠傳信陵平原春申孟嘗游諸侯者以
四豪為稱首長蘆即今滄州之長蘆唐隸幽州世
說畢茂世云左手持蟹螯右手持酒杯拍浮酒池
中便足了一生

送楊山人歸天台

客有思天台東行路超忽濤落浙江秋沙明浦陽月
今遊方厭楚昨夢先歸越且盡秉燭歡無辭凌晨發
我家小阮賢剖竹赤城邊詩人多見重官燭未曾燃
興引登山屐情催泛海船石橋如可渡携手弄雲烟
水經注浦陽江水導源烏陽縣而經上虞縣小阮
籍兄熙子咸也漢書巴祗為揚州刺史在官不迎
妻子不燃官燭謝靈運尋山涉嶺必造幽峻岩嶂

數十里莫不備盡登躡常著木屐上山則去其前
齒下山則去其後齒石橋即僧惠虛所渡者啟蒙
記注天台山石橋路不盈尺長數十步步至滑下
臨絕冥之澗

送韓準裴政孔巢父還山

獵客張兔置不能挂龍虎所以青雲人高歌在岩戶
韓生信英彥裴子令清真孔侯復秀出俱與雲霞親
峻節凌遠松同衾卧盤石斧冰漱寒泉三子同一屐

時時或乘興往往雲無心出山揖牧伯長嘯輕衣簪
昨宵夢裡還云弄竹溪月今晨魯東門悵飮與君別
雪崖滑去馬蘿徑迷歸人相思若烟草歷亂無冬春
詩肅肅兔置施於中林陸機演連珠頓網探淵不
能招龍振網羅雲不必招鳳是以巢箕之叟不矜
丘園之幣洗渭之民不發傳巖之夢歸去來辭雲
無心以出岫

送楊少府赴選

大國置衡鏡準平天地心群賢無邪人朗鑒窮情深
吾君詠南風袞冕彈鳴琴時恭多美士京國會纓簪
山苗落礪底幽松出高岑夫子有盛才主司得球琳
流水非鄭曲前行遇知音衣工剪綺繡一誤傷千金
何惜刀尺餘不裁寒女袞我非彈冠者感激但開襟
空谷無白駒賢人豈悲吟大道安棄物時來或招尋
爾見山吏部當應無陸沉

禮記舜作五絃之琴以歌南風山苗礪松喻賢才

也主司持衡鏡者也衣工比當時大臣寒女比當
時賢才處於貧賤者亦猶曹風季女斯饑之意郭
泰機詩皎皎白素絲織為寒女衣衣工秉刀尺棄
我忽如遺前漢王吉與貢禹為友世稱王陽在位
貢禹彈冠御覽引漢書王吉字子陽少與貢禹為
友及陽仕益州刺史貢禹聞之拂冠以待之陽遂
薦禹世稱王陽在位貢禹彈冠言其趣舍同也與
今本不同晉山濤為吏部所甄拔人物各為題目

時人謂之山公啟事莊子是陸沉者也注人中隱者壁如無水而沉也張協詩道勝貴陸沉

對雪奉餞任城六父秩滿歸京

龍虎謝鞭策鶴鸞不可晨君看海上鶴何似籠中鷄獨用天地心浮雲乃吾身雖將簪組狎若與烟霞親季父有英風白眉超常倫一官即夢寐脫屣歸西秦實公敞華筵墨客盡來臻燕歌落胡鴈郢曲迴陽春征馬百度嘶遊車動行塵躊躇未忍去戀此四座人

餞離註高駕惜別空慙歎何時竹林下更與步兵隣蔡衡曰凡象鳳者有五多赤色者鳳多青色者鸞多黃色者鶴多紫色者鷺多白色者鵠馬良眉間有白毫於兄弟中最為良者時人為之語曰馬氏五常白眉最良燕歌燕地之歌郢曲楚曲也落鴈迴春言其歌曲之妙阮籍聞步兵厨中貯酒三百斛求為步兵校尉

京

送魯郡劉長史遷弘農長史

魯國一杯水難容橫海鱗仲尼且不敬况乃尋常人
 白玉換斗粟黃金買尺薪閉門木葉下始覺秋非春
 聞君向西遷地即鼎湖隣寶鏡匣蒼蘚丹經埋素塵
 軒后上天時攀龍遺小臣及此留惠愛庶幾風化淳
 魯縞如白煙五緜不成束臨行贈貧交一尺重山嶽
 相國齊晏子贈行不及言託陰當樹李忘憂當樹萱

他日見張祿緜袍懷舊恩

魯人以仲尼為東家丘張協詩尺燼重尋桂紅粒
 貴瓊瑤注燼薪也紅粒米也一尺之薪重於一尋
 之桂而米亦貴於玉也淮南子一葉落而天下知
 秋弘農屬陝在魯之西孔安國曰縞白繒也韓安
 國曰強弩之末不能穿魯縞蓋繒之出於魯者為
 最薄產於齊者為良故曰齊紈子夏傳五緜為束
 三玄二纁象陰陽也晉趙鞅謂陽虎曰樹桃李者

夏得其休息秋得其實焉國風焉得萱草言樹之
背注萱草令人忘憂史范睢既相秦號曰張祿魏
使須賈於秦范睢敝衣間步之邸須賈曰范叔一
寒如此哉乃取其一綈袍以賜之

魯郡東石門送杜二甫

醉別能幾日登臨徧池臺何時石門路重有金尊開
秋波落泗水海色明徂徠飛蓬各自遠且盡手中杯
兗州平陰縣有石門嶺嶺出巖竇中長數百步高
闊各三丈許陸路通濟南東平兩端方竅從下望
之宛若大門土人呼為石門泗水徂徠俱在石門
之西少陵贈太白詩云何時一尊酒重與細論文
觀此篇豈一時酬答之詩耶

送裴十八圖南歸嵩山二首

何處可為別長安青綺門胡姬招素手延客醉金尊
臨當上馬時我獨與君言風吹芳蘭折日沒鳥雀喧
舉手指飛鴻此情難具論同歸無早晚潁水有清源

青綺門即青門長安之東門也芳蘭飛鴻以喻君子鳥雀以喻小人高士傳許由隱於中岳潁山之陽中岳即嵩山潁水出其下

其二

君思潁水綠忽復歸嵩岑歸時莫洗耳為我洗其心
洗心得真情洗耳徒買名謝公終一起相與濟蒼生
高士傳堯聘許由為九州牧由聞之洗耳於河易
繫辭聖人以此洗心江淹書進不買名聲於天下
晉書安石不起如蒼生何

同王昌齡送族弟襄歸桂陽

秦地見碧草楚謠對清尊把酒爾何思鷓鴣啼南園
予欲羅浮隱猶懷明主恩躊躇紫宮戀幸負滄洲言
終然無心雲海上同飛翻相期乃不淺幽桂有芳根
秦在長安桂陽在楚南越志鷓鴣雖東西迴翔然
開翅之始必先南翥羅浮山在廣東博羅增城二
縣之境紫宮天子所居之宮西京賦正紫宮於未

李言金史言 卷十 四
央躄躄二句正足上二句之意幽桂者即招隱辭
所謂桂樹叢兮山之幽

送于十八應四子舉落第還嵩山

吾祖吹簫籥天人信林羅歸根復太素群動熙元和
炎炎四真人搗辭若濤波交流無時寂楊墨日成科
夫子聞洛誦誇才才故多為金好踊躍久客方蹉跎
道可束書之五寶溢山河勸君還嵩丘開酌聆庭柯
三花如未落乘興一來過

吾祖老子也老子萬物紜紜各復其根歸根曰靜
列子太素者質之始也莊子古之真人登高不慄
入水不濡入火不熱四真人者莊老列文也唐制
天寶初下詔舉明莊老列文四子學者時元載策
入高第楊墨當作副墨莊子副墨之子聞之洛誦
之孫注道以體之為正則文墨所論乃其副也洛
誦謂綿絡貫穿而誦之子孫者言道之所生在於
此也又大治鑄金金踴躍曰我必為鑄鄒大治必

言金述言 卷一
以為不祥之金鹿車事類天漢間有道士自外國
得貝多子種於高山之下一歲三花一說三花聚
頂五氣朝元道家備養法也三花落則死矣三花
未落乘輿來過言有生之年未死之日猶有再會
之期也

送張秀才從軍

六駁食猛虎耻從駑馬群一朝長鳴去矯若龍行雲
壯士懷遠略志存解世紛周粟猶不顧齊珪安肯分
抱劍辭高堂將投崔冠軍長策掃河洛寧親歸汝濱
當令千古後麟閣著奇勳

爾雅駁如馬鋸牙食虎豹山海經中曲之山有獸
馬其狀如馬白身黑尾一角虎牙爪音如鼓其名
曰駁是食虎豹可以禦兵齊珪句即魯仲連不受
齊爵事史宋義號卿子冠軍文穎曰首將故言冠
軍時崔光遠由汴州刺史為魏州節度使河洛河
南洛陽也時皆為史思明所據汝墳汝水之涯詩

導彼汝墳

送侯十一

朱亥已擊晉侯嬴尚隱身時無魏公子豈貴抱關人
 予亦不火食遊梁同在陳空餘湛盧劍贈爾託交親
 湛盧歐冶子所作五劍之一薛燭曰湛盧五金之
 英太陽之精寄氣託靈出之有神服之有威可以
 折衝拒敵

奉餞高尊師如貴道士傳道錄畢歸北海

道隱不可見靈書藏洞天吾師四萬劫歷世遍相傳
 別杖留青竹行歌攝紫烟離心無遠近長在玉京懸
 老子道隱無形莊子道不可見見見而非道也道經
 有靈書二十四事乃老君授青童大君者劫猶儒
 所謂世也神僊傳壺公謂費長房曰我某日去卿
 能去乎曰欲親眷不知其去有何計公乃取一青
 竹杖與之曰卿以竹杖歸家便可稱病以此竹杖
 置卧處默然便來長房如公言去及歸又與竹杖

言金述言 卷十
曰但騎此得到家長房騎竹杖忽如夢覺已到家
視之乃青龍也

送楊山人歸嵩山

我有萬古宅高陽玉女峰長留一片月挂在東溪松
爾去掇僊草菖蒲花紫茸歲晚或相訪青天騎白龍
玉女峰在嵩山頂紀異嵩山之上玉女擣帛石
瑩徹光潔人莫能測神僊傳漢武帝祠嵩山中嶽
夜半忽有僊人至帝禮而問之僊人曰吾聞中嶽
石上菖蒲一寸九節服之可以長生抱朴子菖蒲
石上生一寸九節紫花者尤善神僊傳太真夫人
婉羅與馬明生居所往常有白龍迎之

送岑徵君歸鳴臯山

岑公相門子雅望歸安石奕世皆夔龍中台竟三折
至人達機先高揖九州伯奈何天地間而作隱淪客
貴道能全真潛輝卧幽嶙探玄入宵默觀化游無垠
光武有天下嚴陵為故人雖登洛陽殿不爲巢由身

予亦謝明主今稱偃蹇臣登高覺萬古思與廣成隣
蹈海寧受賞還山非問津西來一搖扇共拂元規塵
孟嘗君曰將門必有將相門必有相晉張華為開
府儀同三司少子以中台星折勸華遜位不從曰
天道玄遠惟脩德耳不久果被誅桓譚新論天下
神人五一神僊二隱淪謝靈運詩既往隱淪客洛
陽光武所都也謝明主者白賜金還山時也偃蹇
不進貌覺萬古者知萬古之情也晉書王導傳庾
亮據上流擁強兵導不能平嘗遇西風塵起舉扇
自蔽徐曰元規塵汚人是時安史餘孽猶未盡息
太白有救亂之志無人相與以成功茲因送岑徵
君而發其意

送范山人歸泰山

魯客抱白鶴別予往泰山初行若片雪杳在青嶂間
高高至天門日觀近可攀雲山望不及此去何時還
泰山記泰山盤道屈曲而上凡五十餘盤經小天

門大天門仰視天門如從穴中窺天牕下至古封
禪處凡四十里山頂西巖為僊人石閭東巖為介
丘黃河去泰山二百餘里於祠所瞻黃河如帶若
在山陴封禪記泰山東南巖名日觀日觀者鷄一
鳴時見日始欲出長三丈所又東南名秦觀秦觀
者望見長安吳觀者望見會稽周觀者望見齊也

江上送女道士褚三清遊南嶽

吳江女道士頭戴蓮花巾霓裳不濕雨特異陽臺雲

足下遠遊履凌波生素塵倦尋向南嶽應見魏夫人
大霄經人行大道謂之道士周穆王因尹執制樓
觀遂召幽逸之人為道士楚辭青雲為衣兮白霓
為裳不濕雨而異乎陽臺之雲者言其能潔身而
無所污也洛神賦凌波微步羅襪生塵集僊錄魏
夫人晉魏舒女名華存字賢安好道適南陽劉文
字幼彥生二子曰璞曰遐乃齋于別寢將逾三月
太極真人等來降授神真之道在世八十三年以

晉成帝咸和九年清虛真人王褒與陳華青童與
夫人成藥兩劑服之白日上昇領上真司命南嶽
夫人

潯陽送弟昌峒鄱陽司馬作

桑落洲渚連滄江無雲烟潯陽非剡水忽見子猷船
飄然欲相近來遲杳若僊人乘海上月帆落湖中天
一覩無二諾嘲歡更勝昨爾則吾惠連吾非爾康樂
朱紱白銀章上官佐鄱陽松門拂中道石鏡迴清光
搖扇及于越水亭風氣涼與爾期此亭期在秋月滿
時遇或未來兩鄉心已斷吳山對楚岬彭蠡當中洲
相思定如此有窮盡年愁

桑落桑葉黃落秋時也或曰桑落地名杜佑云在
彭澤今為都昌有桑落洲九域志隸江州潯陽郡
謝惠連靈運族弟也靈運封康樂公朱紱銀章郡
守職也司馬為郡佐故以此稱之輿地志自入湖
三百三十里窮於松門東西四十里青松徧於兩

岬潯陽記石鏡山東有一圓石懸崖明淨照人見
形漢書嚴助傳淮南王書曰越人欲為變必先田
餘干界中韋昭曰越邑今鄱陽餘干縣是也故云
干越湖之東南為吳西北為楚彭蠡即鄱陽湖也

送趙判官赴黔府中丞叔幕

廓落青雲心結交黃金盡富貴翻相忘令人忽自哂
蹭蹬鬚毛斑盛時難再逢巨源咄石生何事馬蹄間
綠蘿長不厭却欲還東山君為魯曾子拜揖高堂裡

叔繼趙平原偏承明主恩風霜擢獨坐旌節鎮雄藩
虎士秉金鉞蛾眉開玉尊才高幕下去義重林中言
水宿五溪月霜啼三峽猿東風春草綠江上候歸軒
楚辭廓落平羈旅而無依晉書山濤辟河南從事
與石鑒共宿夜起蹴鑒曰今為何等時而眠耶知
大傳即何意鑒曰宰相三不朝與尺一令歸第即
何慮也濤曰咄石生無事馬蹄間耶投傳而去未
二年果有曹爽事靈運詩久欲返東山漢制中丞

專席而坐唐制節度有功者賜以節鉞漢書馬援
 征武陵五溪蠻夷雄楠酉沅辰皆槃瓠子孫所居
 三峽巫峽明月峽廣澤峽宜都山川記巴東三峽
 猿鳴悲猿鳴三聲淚沾衣此詩首嘆青雲之交多
 富貴相忘不足與依遂言年華易邁壯盛之時不
 可再得而引古賢感時事而相率歸隱者此處蓋
 有微詞風霜四句正言中丞承恩而勢位之盛如
 此才高二句則言判官雖以才高見招實由中丞
 富貴不忘林中然諾之言故招以入幕也水宿二
 句言此去在道之景未望其歸豈亦有巨源之意
 不可顯言耶

送二季之江東

初發強中作題詩與惠連多慙一日長不及二龍賢
 西塞當中道南風欲進船雲峰出遠海帆影挂晴川
 禹穴藏書地匡山種杏田此行俱有適逢爾早歸旋
 謝靈運有登臨海嶠初發強中作與從弟惠連詩

云杪秋尋遠山山遠行不近與子別山阿含酸赴
脩畛強中地名按靈運遊山記云桂林頂遠則嵬
尖強中是強中當此嵬縣之側謝子微見子將兄
弟曰平輿之陸有二龍馬西塞山在鄂州禹穴在
會稽廬山記匡俗結廬於山故稱匡廬山董奉居
廬山下為人治疾重者種杏五株輕者一株久而
成林號曰董僊杏林

宣城送劉副使入秦

君即劉越石雄豪冠當時淒清橫吹曲慷慨扶風辭
虎嘯俟騰躍鷄鳴遭亂離千金市駿馬萬里逐王師
結交樓煩將侍從羽林兒統兵捍吳越射虎不敢窺
大勳竟莫叙已過秋風吹秉鉞有李公凜然負英姿
寄深且戎幕望重必台司感激一然諾縱橫兩無疑
伏奏歸北闕鳴騶忽西馳列將咸出祖英僚惜分離
斗酒滿四筵歌嘯宛溪湄君携東山妓我詠北門詩
貴賤交不易恐傷中園葵昔贈紫騮駒今傾白玉卮

同歡萬斛酒未足解相思此別又千里秦吳渺天涯
月明關山苦水劇隴頭悲借問幾時還春風入黃池
無令長相憶折斷綠楊枝

劉琨字越石少與祖約俱以雄豪名橫吹笛也琨
為并州刺史在晉陽嘗為胡騎所圍城中窘迫琨
乃登樓清嘯賊聞之皆淒然長嘆中夜奏胡笳賊
又流涕向曉復吹之賊棄圍而去扶風歌亦劉琨
所作歌曰朝發廣莫門暮宿丹水山左手彎繁弱

右手揮龍淵又去家日已遠安知存與亡慷慨窮
林中抱膝獨摧藏允允首大意皆憂國勤王事也
琨與祖逖同寢中夜聞鷄聲琨曰此非惡聲也因
起舞帳中樓煩胡地名沛公有樓煩將善騎射楚
挑戰三人樓煩輒射殺之漢武帝太初元年初置
建章營騎後更名羽林騎又取從軍死事之子孫
養羽林官教以九兵號曰羽林孤兒李公太尉李
光弼也戎幕將幕也台司三公也宛溪隸宣州北

門詩言仕者不得志也古詩採葵莫傷根結交莫
羞貧採根葵不生羞貧交不成宣城古吳地史記
吳王北會晉侯於黃池

涇川送從弟錞

涇川三百里若耶羞見之錦石照碧山兩邊白鷺鷥
佳境千萬曲客行無歇時上有琴高水下有陵陽祠
僊人不見我明月空相知問我何事來盧敖結幽期
蓬山振雄筆繡服揮清詞江湖發秀色草木含榮滋
置酒送惠連吾家稱白眉愧無海嶠作敢闕河梁詩
見爾復幾朝俄然告將離中流漾綵鷁列岬叢金羈
嘆息蒼梧鳳分棲瓊樹枝清晨各飛去飄落天南垂
望極落日盡秋深暝猿悲寄情與流水但有長相思
涇川在寧國府涇縣源出黟山西北入於江上下
三百里列仙傳琴高趙人也浮游冀州二百餘年
後入碭水中乘赤鯉出留一月復入水去江賦琴
高之所游矯實子明脩道陵陽嘗得龍子放之水

李言金江言
中道成白龍迎去後漢書章少好學有文章是時
學者稱東觀為蓬萊山太僕鄧康遂薦章入東觀
為校書郎李陵與蘇武詩携手上河梁遊子暮何
之徘徊路側恨恨不能辭鷓水鳥盡船頭為鷓
形取其迅也

五松山送殷淑

秀色發江左風流奈若何仲文了不還獨立揚清波
載酒五松山頽然白雲歌中天度落月萬里遙相過
撫酒惜此月流光畏蹉跎明日別離去連峰鬱嵯峨
秀色言其質之美也奈若何者猶詩云如此繁者
何深喜之之辭也晉殷仲文少有才藻謝靈運嘗
曰若仲文讀書半袁豹則文才不減班固了不還
者言常存也謂今之殷淑乃不死之仲文也五松
山在宣州南陵縣白雲歌蓋用王母白雲謠將子
無死尚能復來意也

送崔氏昆季之金陵

放歌倚東樓行子期曉發秋風渡江來吹落山上月
 主人出美酒滅燭延清光二崔向金陵安得不盡觴
 水客弄歸棹雲帆卷輕霜扁舟敬亭下五兩先飄揚
 峽石入水花碧流日更長思君無歲月西笑阻河梁
 東樓山在宣州延如延客之延招邀之也清光月
 光也五兩舟人用鷄羽以候風者江賦覘五兩之
 動靜兵書凡候風法以鷄羽重八兩建五丈旗取
 羽繫其巔立軍營中許慎淮南子注統候風也楚

人謂之五兩

登黃山凌敲甚送族弟溧陽尉濟充泛舟赴華

陰

鸞乃鳳之族翱翔紫雲霓文章輝五色雙在瓊樹棲
 一朝各飛去鳳與鸞俱啼炎赫五月中朱曦爍河堤
 舟從泛舟後使我心魂悽秦地無草木南雲喧鼓鼙
 君王減玉膳早起思鳴鷄漕引救關輔疲人免塗泥
 宰相作霖雨農夫得耕犁靜者伏草間群才滿金閨

空手無壯士窮居使人低送君登黄山長嘯倚天梯
小舟若鳧駕大舟若鯨鯢開帆散長風舒卷與雲齊
日入牛渚晦蒼然夕烟迷相思在何許杳在洛陽西
禽經注鸞者鳳鳥之亞始生類鳳久則五彩變易
故字從變再泛舟之役唐所都即古秦地無草木
雍及絳命曰泛舟之役唐所都即古秦地無草木
者荒索之狀南南方也祿山之亂江南騷擾而有
征戍之苦故曰喧鼓鼙水運曰漕挽舟曰引關輔
關內三輔之地即長安之京師洛陽之西即華陰
之地

五月東魯行答汶上君

五月梅始黃蠶凋桑葉空魯人重織作機杼鳴簾櫳
顧予不及仕學劍來山東舉鞭訪前途獲笑汶上翁
下愚忽壯士未足論窮通我以一箭書能取聊城功
終然不受賞羞與時人同西歸去直道落日昏陰虹
此去爾勿言甘心如轉蓬

予說文機之受緯者詩注予所以受緯者櫛說文
房屋之疏也蓋受明之處漢志泰山郡汶水出萊
州入濟

答長安崔少府叔封遊終南翠微寺太宗皇帝

金沙泉見寄

河伯見海若傲然誇秋水小物昧遠圖寧知通方士
多君紫雲音獨往蒼山裡地古寒雲深巖高長風起
初登翠微嶺復憩金沙泉踐苔朝霜滑弄波夕月圓

飯彼石下流結蘿宿溪烟鼎湖夢淥水龍駕空茫然
早行子午關却歎山路遠拂琴聽霜猿滅燭乃星飯
人烟無明異鳥道絕往返扳崖倒青天視白日晚
既過石門隱還唱石潭歌涉雪攀紫芳濯纓想清波
此人不可見此地君自過為予謝風泉其如幽意何
莊子秋水時至百川灌河涇流之大兩涯之間不
見牛馬河伯欣然自喜以為天下之美盡在已順
流東行至於北海東面而觀不見水涯於是歎曰

野語有之聞道百以為莫已若者我之謂也我長
見笑於大方之家揚子明鏡清水不可以形逃通
方之士不可以文亂梁簡文賦升紫霄之丹地排
玉殿之金扉蒼山終南山也翠微嶺金沙泉皆在
終南太宗貞觀十三年改終南太和宮為翠微宮
而嶺因以名金沙泉近寺泉也鼎湖龍駕謂太宗
也子午關終南山峰之間通道處直當子午而因
以名如蜀之子午谷石門石潭皆終南佳境涉雪
應石門濯纓應石潭此人謂濯纓者也紫芳紫芝
也此地指終南幽意幽隱也

酬崔五郎中

朔雲橫高天萬里起秋色壯士心飛揚落日空歎息
長嘯出原野凜然寒風生幸遭聖明時功業猶未成
柰何懷良圖鬱悒獨愁坐杖策尋英豪立談乃知我
崔公生民秀緬邈青雲姿制作參造化託諷含神祇
海嶽尚可傾吐諾終不移是時霜颯寒逸興臨華池

起舞拂長劍四座皆揚眉因得窮歡情贈我以新詩
又結汗漫期九垓遠相待舉身憇蓬壺濯足弄滄海
從此凌倒景一去無時還朝遊明光宮暮入閭闔闕
但得長把袂何必高丘山

楚辭心飛揚兮浩蕩漢鄧禹聞光武安集河北即
杖策北渡禮記人者五行之秀生民之秀又人之
秀者也淮南子吾與汗漫期於九垓之外蓬萊方
壺皆僊洲也漢武帝起明光宮三輔黃圖云在城

中淮南子注閭闔始升天之門上帝所居紫微宮
門也高丘高山也潘岳懷舊賦不歷高丘之山者
九年於茲矣按太白贈崔五郎中詩云我家有別
業寄在嵩之陽子若同斯遊千載不相忘此詩又
反其意云但得長把袂何必高丘山

酬張卿夜宿南陵見贈

月出魯城東明如天上雪魯女驚沙鷄鳴機應秋節
當君相思夜火落金風高河漢挂戶牖欲濟無輕舸

我昔辭林丘雲龍忽相見客星動太微朝去洛陽殿
爾來得茂彥七葉仕漢餘身為下邳客家有圮橋書
傳說未夢時終當起巖野萬古騎星辰光輝照天下
與君各未遇長策委蒿萊寶刀隱玉匣鏞澀空悲苔
遂令世上愚輕我土與灰一朝攀龍去鼃黽安在哉
故山定有酒與爾傾金壘

魯城古魯國之城在今曲阜縣莎鷄蟋蟀也詩六

月莎鷄振羽火大火心星也王褒聖主得賢臣頌

龍興而致雲管輅別傳龍者陽精以潛於陰幽靈
上通和氣感神故能興雲喻君臣之相逢也凡星
非本垣自外而至者謂之客星晉天文志太微天
子庭五帝座也洛陽光武所都漢書金日磾七葉
內侍張湯傳張氏自宣元以來為侍中中常侍者
十餘人說文東楚謂橋為圮下邳圮上老父授張
良書曰讀此則為帝者師矣莊子傳說相武丁奄
有天下乘東維騎箕尾而比於列宿終古不忒王

古傳公卿未有建萬里之長策詩我姑酌彼金罍
酬王補闕惠翼莊廟宋丞泚贈別

學道三千春自言羲和人軒蓋宛若夢雲松長相親
偶將二公合復與三山隣喜結海上契自為天外賓
鸞翮我先鍛龍性君莫馴朴散不向古時訛皆失真
勿踏荒溪波竭來浩然津薛帶何辭楚桃源堪避秦
世迫且離別心在期隱淪酬贈非炯誠永言銘佩紳
三千春自堯至唐上下三千年也孔安國曰重黎

之後羲氏和氏世掌天地四時之官一說三千春
者只是學道長生久視羲和人即淵明所謂羲皇
上人也說苑翟璠乘車戴華蓋田子方怪而問之
曰吾祿厚得此軒蓋海上指三山也天外賓謂僊
人也淮南子飛高鍛羽許慎曰鍛殘羽也左傳劉
累學擾龍於豢龍氏服虔曰擾馴也顏延年詩鸞
翮有時鍛龍性誰能馴楞嚴經云何汝今以動為
身以動為境從始至終念念此滅遺失真性顛倒

李言鈔述言 卷十
行事性心失真認物為已輪迴是中自取流轉荒
溪波水之小者浩然津水之大者荒溪忽為浩津
猶所謂世變江河即朴散不古時訛失真意楚辭
被薜荔兮帶女蘿

江上荅崔宣城

太華三芙蓉明星玉女峰尋僊下西嶽陶令忽相逢
問我將何事湍波歷幾重貂裘非季子鶴氅似王恭
謬忝燕臺召而陪郭隗蹤水流知入海雲去或從龍

樹繞蘆洲月山鳴鵲鎮鍾還期如可訪台嶺陰長松
太華華山即西嶽也芙蓉峰也華山有蓮花峰峰
頂有池菡萏盛開可愛其中又有破鐵舟存焉華
山記三峰直上晴霽可觀列僊傳明星玉女居華
山服玉漿白日昇天蘇季子黑貂之裘弊晉王恭
美姿儀嘗衣鶴氅涉雪而行孟昶見之曰此真神
僊中人也蘆洲江中地名鮑照詩今日入蘆洲庾
仲雍江圖蘆洲至樊口三十里鵲鎮鵲頭鎮也唐

志宣州南陵縣有鵠頭鎮台嶺天台也天台賦蔭

落落之長松

